

重修盧氏縣志卷之十

樓峯郭光澍霖三氏編次

列女

夫坤德曰貞女之生也秉乎坤德故端凝靜一從一而終世之淑媛懿嫻克修婦道若少君者洵足稱矣不幸而禍分早歲或變出臨時其慷慨激烈捐軀自明有鬚眉所莫逮者是則難也即彼青年矢志皓首完名其間之雨慘風淒祇堪獨喻甚有隣棗引嫌孤苦自厲而天只不諒委由圖全雖沉毅明哲之士何以加焉故皇皇盧氏縣志

卷之十 列女

一

明

杜氏夫病故自刎斷喉血流七日不死知縣黎道美親往視之許死後祭以禮讚以文遂瞑目後具實奏聞贈正女烈義並旌其門

耿氏故宦靳學古妻耿啟梧女姑劉氏染病垂亡醫診云脈將絕惟生人之血可以少助氏顙天瀝血和藥以進姑病旋瘳縣令旌以扁曰懿行可風

亢氏進士韓上妻夫死堅貞苦守顧子存生巡按梁
扁其門曰矢志和熊

李氏南蕪村民常浩德妻年十七歲夫亡姑孀居在
堂氏守節代夫奉養生事死葬克盡其誠苦節五十
餘年而終

魏氏城東里民燕思解妻流寇初至奉姑黃氏避難
南山賊刃其姑氏奮力奔救亦中一刃賊問曰汝救
者何人曰吾姑也賊義釋之

郭氏生員杜曰昇妻崇禎六年流寇入境逃橫澗川
聞寇至投崖身死縣令劉爾賓扁其門曰冰清玉潔

李氏張耀祖妻李雲龍女攜幼子六兒避寇被掠罵
賊不屈母子俱死

劉氏卹贈光祿寺丞正義殉難斬謙吉妻故宦劉
蔚女夫既沒子幼且孤氏殯葬翁姑撫育幼子慮宗
支單弱有族姪斬真幼失父母爲寇所擄遣役徧覓
各省周歷八載始值於襄陽左營取之歸授室置產
訓迪入庠

李氏故宦李炳妻北京人避亂山中被土賊楊雙橋

等截劫氏叱賊以刀自刎不獲復縊死石龕尼舍後
巡道戴公至縣擒賊賊斬漏渠魁一人後亦被誅
趙氏二女沙窩村人年甫及笄爲賊寇所逼姊妹二
人連袂投崖身死乃崇禎癸酉冬事也奔竄倉皇不
暇詢父母名焉

國朝

王氏生員杜灑妻夫故氏尚少遺子在抱苦志堅守
子方成立而死復守其孫苦節以終

李氏卽王氏之媳杜啟祉妻年少夫亡同姑王氏共
守遺孤以節終

虞氏縣誌

卷之十 列女

三

尉氏增生白賈妻夫亡年甫二十念白氏三世單傳
苦守三歲遺孤撫育成立士民公舉給匾

吳氏故官靳台彥妻夫卒於官子女俱無伶仃孤守
三十餘年而終

雷氏廩生杜興祚妻貢生雷順女年少夫亡子女俱
無撫姪爲嗣勵志守節孝事翁姑縣合張國卿給匾
曰霜莫與京後以嗣子謙貴追贈太孺人

徐氏卮子峪里民延聖緒妻二十二歲夫亡苦節四

十餘年而終

李氏文峪村生員范蘭妻夫被虎傷撫育遺孤苦節而終

梁氏高村里民杜詣仁妻二十一歲夫亡守節育孤三十餘年諸苦備嘗三子成立

靳氏船子峪民郭印隆妻夫亡守子晝則把鋤夜則績紡歷盡飢寒三子成立壽八十餘歲而終

王氏邑貢生王埜妻性至孝割股肉以療姑目疾姑目重明太守孫縣令謝廷爵學博宋學各給匾里人

虞氏縣誌

卷之十 列女

四

共立石誌其事

王氏恢術術民甯文妻生員王賔仲女二十于歸姑亡家貧事翁以孝聞夫逝氏年三十茹荼飲水紡績不輟延師課子名列膠庠學博給匾曰壺中母儀享壽七十而卒通邑呈請旌表節孝

劉氏庠生燕嘉賓子及許妻太平尉劉紹漢孫女性貞烈知詩禮事翁姑以孝聞年二十三夫亡遺腹生女誓志守節女甫三歲而殤翁姑憐其無出欲奪其志有媒氏議婚氏知之呼天號泣夜自縊死

賈氏忠君里民劉明漢妻二十八歲夫死遺一子零
丁苦守子死氏取叔庠生劉大定之孫慄爲嗣撫字
成立壽八十四歲而終縣令蓋圖旌其門曰松筠矢
志

韓氏邑庠生常震之妻萬曆癸丑進士韓上之孫女
也賦性清淑頗識文字治家嚴肅雖甑已細務俱有
條理布衣糲食常念物力維艱諄諄訓誡相夫子拯
急救苦全活甚衆以繼先人之志課督子弟時值烽
烟流離而誦讀之聲不輟子伯讓仲讓等六人成名
旌其門曰德壽並茂

盧氏縣誌

卷之十

列女

五

者五人孫廷瓊廷班等二十一人曾孫基湛等二十
七人及見元孫懷仁家驛二人官壽九十有九邑令

李氏高村吏員蔡國英妻二十三歲夫亡姑老子幼
家徒四壁夫病革時囑以後事氏斷指明志夜則鍼
績晝則耕作孝事衰姑寢食必省尤嚴以教子燎薪
代膏子芬有名庠序守節三十二年而卒乾隆七年
旌建坊里門

杜氏南蘓村儒童王紹妻故宦杜鶴齡之孫女也十

七歲歸緇五載夫亡無子取姪爲嗣孝事翁姑艱苦
難狀郡守張徵取賢良節孝纂入府誌乾隆七年
旌建坊里門

趙氏岡頭嶺王化祚妻年二十九歲夫亡事姑撫子
歷盡艱難守節三十九歲乾隆七年 旌建坊里門

李氏南蘓村民常鍾妻夫亡氏年二十二歲翁姑在
堂子女俱無取姪承祀仰事俯育諸苦備嘗乾隆七
年 旌建坊里門

權氏高村里民王宏緒妻年二十五歲夫故絕粒人
盧氏縣誌 卷之十 列女 六

以姑老子幼慰止乃忍死守節奉姑極盡誠敬姑病
日至盲有告氏者日以舌舐之可愈氏舐之三年姑
目竟瘳人謂孝感所致教子力農務本苦節四十餘
年而卒乾隆七年 旌建坊里門

常氏衙前貢生李深長子秉敬妻年二十五歲夫亡
取姪爲嗣孝事翁姑飲饌必親供不假姊妯手翁姑
壽俱登九十天和賴其頤養歿尤殯塋如禮守節四
十五年而卒乾隆七年 旌建坊里門

張氏恢衢民甯九敘妻庠生張我誼女年二十八

而寡事姑撫子苦節三十餘年乾隆七年 旌建坊
里門

杜 氏火災城儒童孫蕙妻庠生杜元起女十九歲夫
亡遺子克經甫九月矢志守節孝事翁姑生養死葬
延師課子氏勞瘁嬰疾數年不痊子克經甫入庠氏
聞報怡然曰吾將報死者於地下矣遂瞑目而亡年
四十一守節二十四年乾隆七年 旌建坊里門

李 氏西營村庠生王澤溥妻庠生李浣女夫亡氏年
二十四歲姑老子幼仰事俯育極盡經營夫亡時幼

盧氏縣誌

卷之十 列女

七

弟澤洽年五歲氏養育成人爲之授室子早亡勉媳
守節共撫孤孫遭際多艱備歷辛苦郡守張採入府
誌乾隆十年 旌建坊里門

劉 氏黑馬渠民張其琰妻年少夫亡守節育子四十
餘年乾隆七年 旌建坊里門

郭 氏南蘓村庠生常士俊妻庠生郭均女二十八歲
夫亡孝事翁姑義方訓子周恤族黨治家有法子自
得邑庠生自任貢監生孫小年拔貢生小世歲貢生
門福慶人以為婦德之貽焉乾隆七年 旌建坊

里門

任氏李允秀妻二十三歲夫死家貧氏賣裝奩殯葬如禮斷髮毀容誓守遺孤及芸能應童試至雍正十一年嬰疾陡歿氏大慟曰吾忍苦不死者爲李氏三塊肉在今復何望一痛遂絕子母同日而歿見者莫不泣下守節三十年乾隆七年旌建坊里門

王氏羅昇亮妻年二十一歲夫死冰心矢志孝事翁姑撫養孤子以至成立歷四十一年而卒乾隆七年

旌建坊里門

盧氏縣誌

卷之十 列女

八

王氏常廷琨妻邑庠生王三錫之女二十八歲夫死子女俱無氏痛夫絕祀取姪承祀艱貞自守事翁姑孝養備至撫嗣子俾得成立守節二十五年乾隆七年旌建坊里門

劉氏王圖遠妻邑庠生劉匡漢之女年二十五歲夫死遺子維已甫三歲氏矢志苦守織紡奉親十指皴裂教誨維已名列膠庠守節二十一年卒乾隆七年旌建坊里門

張氏蘓仁妻年二十六歲夫死遺子起鳳甫六月氏

青年矢志孝事翁姑撫養孤兒守節五十年終乾隆九年旌建坊里門

王 氏常文淳妻年十九歲夫死遺子統甫一歲氏襁褓提攜以至成立不絕先祀家貧織紡奉親甘旨不
缺生養死葬人咸稱孝守節二十七年乾隆九年旌建坊里門

權 氏竹園村庠生賈名時妻夫卒年二十四歲斷髮誓守孝事孀姑力供甘旨姑病焚香額代取姪承祀
愛倍已出苦節四十餘年乾隆十年旌建坊里門

盧氏縣誌

卷之十

列女

九

莫 氏衙前村庠生李源妻庠生莫若錡之女年二十六歲夫亡孝事翁姑生養死葬撫育孤子延師課讀
三子秉楠四子秉植俱邑庠生守節五十餘年而卒

孫 氏高村生員靳于妻妻庠生孫昌女年二十七歲夫亡無子事親能孝治家有法取姪為嗣撫育成立
學博宋望張文舉扁其門日節孝可風

杜 氏澗西村民李爾聰妻貢生杜靖女年二十而寡家貧無子守志不渝撫姪承祀不絕夫祀守節五十八年而卒

莫氏居仁里生員王振宗妻任通許訓導莫若欽女
年二十七夫亡收藏其書籍貽教孤子事孀姑極孝
姑眉際生瘡醫不能療氏泣禱于神忽得三紅丸觀
者詫爲神異姑服之瘡二子俱入庠孫之璧申甲子
副榜詩書一脈賴以不墜壽七十三而卒

張氏張家灣民駱良翰妻二十七歲夫亡遺子宏甫
三月家貧冰蘖自持戴笠夏耘坐蓼冬績孝親終老
育子有成守節五十餘年而卒

李氏庠生張浩紳繼妻弱齡歸紳德性淑和善持家
政夫亡遺一子可貞嚴教入庠年五十餘得孫秉異
甫十八日媳亡氏晝夜提攜歷盡艱辛至於成立年七
十七而卒

盧氏縣誌

卷之十

列女

十

劉氏生員靳千瀛妻家貧以績紡資夫膏火年二十
七歲夫病革語氏曰予無子而貧當善自爲計氏泣
曰有遺腹果生子當忍飢以俟不然相從地下耳後
三月生子曦教讀父書以入庠苦節三十三年終督
學張考旌曰完節成孤

李氏邑歲貢李渤長子秉懿妻原任廣西懷遠縣尉

李舉政之女年二十四歲夫死無子惟有衰白在堂夫弟秉讓甫十歲氏遭際艱難悲痛幾絕父母憐其幼欲奪其志斷髮自誓織紡奉親克盡孝道延師誨弟食餼邑庠後取弟長子堂爲嗣守節四十六年而卒

杜氏常廷琰妻年二十四而寡無所出善事舅姑以節孝著郡守張纂入府誌守節五十餘歲而卒

劉氏忠君里民董桂妻二十歲而寡諸弟俱幼氏獨持家政撫諸弟成立辛苦四十餘年而卒

盧氏縣誌

卷之十 列女

十一

張氏忠君里民張雷妻雷死氏方二十七歲二子幼穉無戚族可依鄰媪有勸之醮者氏曰我安忍使張氏子爲人奴耶斥媪不與往來辛勤教子年五十六而終

常氏孝親里民尚養德妻年二十四夫亡子幼姑探其意氏對姑自誓之死靡他守節六十年而終

雷氏貢生雷順女歸儒童杜元英四載而英卒氏年甫十九子女無出零丁孤苦五十餘年壽七十終

李氏澗西村民李文獻妻十八于歸三載夫亡姑老

子幼矢志不二事姑克孝教子居渭入庠渭又早逝
媳王氏承姑志共撫孤人稱一門雙節

劉氏衙前村庠生李秉植妻二十四歲夫亡斷髮矢志孝事翁姑生死盡禮取姪承祀恩勤備至守節四十餘年現年六十餘歲

李氏火炎城庠生孫莘繼妻庠生李爾恭女二十五歲夫亡翁姑衰白夫前妻子七歲已子錫位亦在懷抱氏流涕曰翁姑老而喪子前子已失母不忍使其無依而頻哭亡人也誓志守節孝事翁姑生死賴之撫育諸子無異視皆克成立守節三十六年現年六十餘歲

盧氏縣誌

卷之十 列女

十三

薛氏張家灣民張成憲妻典吏薛起宗女二十五夫死立志守節衣緞茹苦孝親育子子豫齊得列膠庠守節三十餘年現年五十餘歲

李氏在城民楊葵妻年二十一夫亡子甫週月翁姑痛不食氏忍泣抱子於翁姑前百方解慰翁姑乃知其無異志也家素貧氏皆取給於十指勉子讀書名列膠庠守節三十二年現年五十餘歲

馮氏尚成德妻年二十三夫亡孝事翁姑撫育幼子守節五十一年縣合黃增壘扁其門口操堪勵俗

李氏雷永清妻十八歲夫與姑相繼而亡無子女僅遺夫一弟二妹撫育成立營其婚嫁取姪宏亮爲嗣訓迪入庠守節四十年

杜氏劉田妻庠生杜宏猷女年二十四而寡家貧親老二子穉幼氏立志守節竭盡辛苦親賴以終子賴以立守節三十二年現年五十七歲

王氏賈士基妻年二十四而寡孀姑垂白幼子襁褓奉親育子操作辛勤至於喪明苦節三十三年現年五十七歲

盧氏縣誌

卷之十 列女

三

范氏南關民王行仁妻夫亡無子二十八歲孤苦自持俟叔行禮生子取以爲嗣愛如己出守節四十五年而終

胡氏蹈和里童生常廷琳妻年二十六夫亡子甫六月氏績紡奉親自嚙糟糠並撫其子成立苦節五十年而終

李氏南蘓村童生常倫妻年二十一夫暴亡哀毀欲

殉祖姑覺之日夜防守勸諭由是毀容自守夫弟發
初生子氏曰汝兄無子汝安得有子乎撫爲已嗣
年五十三歲

尚 氏蔣渠村陳俊妻二十八而寡子女俱無取姪承
嗣辛苦萬端年今七十一歲

李 氏崗上民郭敬謨妻未于歸姑早亡入門操作
歷辛苦年二十八而寡獨撫三子遭際多難現今七
十六歲

賈 氏即李氏長子郭邠妻也年二十七夫亡無子女

盧氏縣誌

卷之十 列女

古

祖翁衰髦氏偕孀姑竭力孝養繼姪爾重承祀年六
十一歲

任 氏在城民薛文獻妻二十八而寡親老無子孝事
翁姑存歿如禮取姪國翰爲嗣入太學縣令毛伯鳳
扁曰節孝雙全訓導畢裔振扁曰松筠天節

常 氏童生靳旺妻二十一夫亡無子氏哀毀不欲生
翁貢生靳于郊泣曰予一兒一婦兒既死矣若再死

予夫婦胡以生爲因曉以大義氏由是節哀勵志孝
養盡誠及翁姑歿殯葬周備猶念於秉禮紳士有堂

姪甫週歲撫之爲嗣今五十七歲

孫 氏忠君里廩生靳農妻年二十三夫亡子甫二月

冰心自憶獨持家政育子成立現年五十三歲

劉 氏南關童生賈成性妻生子方五月而夫卒孝親
育子守節三十三年終

張 氏在城里民李永敬妻年二十五而寡遺三女一

子茹茶飲水婚嫁悉竭血汗現年六十七歲

孫 氏履中里民任廷琚妻孫珍之女夫死遺孤五月

翁姑衰老夫弟俱幼氏痛門哀祚薄立志守節支持

盧氏縣誌

卷之十 列女

十五

家政備嘗艱苦現年五十八歲

宋 氏孝親里民趙爾聘妻年二十一夫卒取堂姪爲

嗣姑歿遺幼弟悉撫之成人現年六十七歲

王 氏蹈和里常文鑑妻生子五月夫卒家貧親老并

白親操苦節已三十二年

劉 氏孝親里陳則古妻年二十五生兩子夫亡並無

親支可依孤苦自立教子成名現年五十七歲

雷 氏居仁里杜世韻妻年二十而寡一子幼親理家

政偕夫弟同爨孝事翁姑弟姪婚娶悉資經理辛著

五十年而終

張氏孝親里陳恩妻十六結褵半載而寡孤苦自守繼堂姪聖策以承祀現年五十七歲

董氏童生杜世瑜妻夫亡三子俱幼孝親教子守節已歷三十二載長子勣入膠庠

楊氏吏員李思合妻十七歲于歸結縭八載夫亡遺子苾甫三歲又生遺腹子蕙孝事翁姑撫養襁褓冰霜白矢苦節三十五年現年六十歲

席氏儒童蘭廷對妻年十七歲夫亡無子貞節自持翁姑憐其少寡欲奪其志氏堅不從孝事翁姑生養死葬俱能盡禮取姪爲嗣以繼夫後苦節三十一年現年四十八歲

劉氏黨繼業妻年二十七歲夫故遺子澤幼氏矢志守節艱苦備嘗年八十有五而終

王氏梅廷琳妻年二十六歲夫亡無子孝事哀姑矢志靡他守節四十二年終年六十九歲縣合旌其門曰節孝可風

張氏趙珺妻年二十二夫亡遺腹生子宏業孝事翁

姑撫畜襁褓矢志靡他守節三十一年而卒

常氏胡從詩妻常遜讓之女年二十歲夫亡孝事翁姑撫子成立苦節五十餘年高壽七十五歲

李氏趙之瑾妻年十九歲夫亡毀容守節冰操自持孝事翁姑撫子成立現年六十二歲

李氏權錫妻年二十三歲夫亡無子父母憐其幼欲奪其志氏泣曰未亡人已適權氏義無再醮喪廉耻以偷生甯死不爲也勵志守節取姪波爲嗣孝事翁姑能得歡心和處妯娌從無後言鄉里咸稱其賢孝

盧氏縣誌

卷之十列女

七

貞靜守節五十一年終

常氏女字宜陽訓導權濟經子各宜慎年十三院試取佾生竟少殤女尙未結縭聞訃往弔孝事翁姑終身不歸母家

張氏羅城人常仲讓之妾年二十五夫卒於官氏隻身經理自數千里外扶柩歸又教嫡室遺子延璟成立邑宰謝旌其門曰女中國士

杜氏常廷相妻夫亡守節終身無異志

宋氏楊夢鈞妻十八于歸四年夫偶奉舅姑撫繼子

備嘗艱苦百折不回席太守表其閭以旌之

劉氏常繼美妻年二十七夫亡矢志守節艱苦不辭
壽八十有五

王氏童生常家驗妻夫歿時氏年二十有五以節終

戴氏舉人張月林繼室夫死子夭青年守志取姪先
鳴為嗣 旌表建立節孝坊

靳氏增生張先登妻髫齡喪偶子女俱無勵志守貞
備嘗苦況與張戴氏同時旌表

宋氏常有學妻姑劉氏卒葬於賢豐比夫歿守志日

虞氏縣誌 卷之十 列女 六

姑之遺骸不能歸是使吾翁有妻而無妻吾夫有母
而無母也使嗣子鸞產扶櫬歸以成翁與夫之志焉

姚氏薛義妻二十五歲夫亡善事翁姑訓子占貴攻
醫學全活頗多氏歿後里人憶其淑德為立石誌之

王氏監生常家駒妻乾隆五十四年撫憲梁題請
旌表建坊里門原題云守貞不貳之死靡他弱歲于歸方

冀百年舉案芳齡失偶竟傷一但分鸞忍持不死之
躬勉盡未亡之職奉舅姑而供甘旨撫嗣續而綿宗

祧茹荼苦於寒門盡誠盡孝 機杼於午夜克儉克

勤允稱巾幗完人宜沐旌揚殊典從祀節孝祠

馮氏劉士子妻夫應試洛陽於長水遭陽侯之變氏年二十四妯娌欲奪其志令獨操井臼以苦之氏撫孤守節終始不渝身高遐齡後裔亦稱繁衍

董氏靳維則妻年二十稱未亡人孝謹自持教子兼歐柳遺範從祀節孝祠

常氏郭逢寅妻從祀節孝祠

許氏靳全泰妻年二十夫故生遺腹子一桂斯時衰親在堂孤兒在抱仰事俯畜無不中禮卒年九十有

盧氏縣誌

卷之十 列女

九

三從祀節孝祠

常氏李芝田妻幼從父讀女訓諸書年十九歸李甫屈十旬夫已物故舅姑爲取姪承嗣治家嚴肅有法子孫雖盛暑不敢袒肩露體家人亦無嘻噏聲從祀節孝祠並監碣闕左

李氏權雲章妻年十八而夫歿從祀節孝祠

張氏儒童杜漢妻少孀無子取姪榮光承祀教養有方辛勤備至孫宗桂優廩生曾孫逢庚乙丑科進士卒年八十從祀節孝祠

王 氏儒童常作柱妻親族恩貢宋肇庠拔貢陳子敏
舉人常道伸呈請 旌表略云年十八而子歸閨八
載而喪偶諸艱歷試節比松筠大故屢膺心同金石
媳代子職盡孝以事衰姑義重夫祧立志而撫孤幼
從祀節孝祠

氏

郭 氏儒童李科元妻從祀節孝祠

莫 氏常卜豫妻少孀無子取姪應辰承祧孝事翁姑
足不出大門者二十餘年嘉慶八年從祀節孝祠

盧氏縣誌

卷之十 列女

三

莫 氏儒童耿桂妻十七結縈半年夫故氏勸翁置側
室生弟瘵六歲失恃氏以嫂代母教弟入庠嘉慶二
十一年從祀節孝祠

楊 氏車廷梅妻子歸二年夫亡子幼翁有腿疾家計
屢空氏艱苦備嘗不移所守苦節四十七年

合下共
十五人

俱道光十三年
從祀節孝祠

王 氏儒童馮兆麟妻二十一歲夫亡取姪承嗣敬老
慈幼苦節四十三年

張 氏孀生甲妻年二十三夫故孀姑以哭子喪明氏

出入扶持始終無懈取姪嘉賓爲嗣教之甚有義方
莫氏儒童孫方妻歸孫甫及四旬夫以病故與姑同
居一室靜守深閨親鄰俱罕見之後以姪應昌承祀
張氏監生莫紹武妻二十六歲夫歿親老子幼艱苦
備嘗卒能節孝雙全致家道有日興之象

郇氏儒童李振邦妻二十七歲孀居姑病九年孝敬
未嘗少懈教子青萍入邑庠當時歌詠其賢有九載
湯丸扶母病十年燈火課兒書之句

雷氏石經邦妻年二十稱未亡人祖妣翁姑俱在堂
盧氏縣誌

卷之十 列女

三

生養死葬備歷諸艱取姪天相承祧亦能教以義方
莫氏權珮妻夫故時氏二十七歲祖翁姑及翁姑俱
以賢孝稱之子繡章僅兩歲氏教之亦克成立

張氏儒童杜被妻年二十四夫亡親老家貧又無子
息取姪德懋爲嗣氏績紡度日而堂上甘旨之供膝
下膏火之費未嘗有缺焉

王氏澗西村望世仁妻庠生王大士女十六于歸十
八夫亡翁姑六旬弱子三月事親撫孤艱苦備懋守
節數十年以疾終

程氏儒童望知遠妻二十四歲夫歿截髮自誓足跡不出閨門孝事衰姑待嗣子星海亦恩義兼盡
莫氏石涵妻歸石二年而寡事祖翁及翁姑與繼姑俱喪盡禮教子成立抱孫有五男二女之慶
靳氏郭丹茂妻二十二歲夫卒事親教子能孝且慈尤善撫育諸姪誨以義方周卹親鄰不惜升斗之費
楊氏儒童李鳳翔妻十九歲而孀謹慎自持戶庭不出翁爲取嗣承繼享年六十有三

權氏周庭菊妻年二十八夫亡祖姑雙盲失明姑患痰症氏事之數十年無倦怠教子尤不蹈姑息之弊
陰氏儒童駱鳴豫妻年十九稱未亡人取姪玉音承祀孝慈兼盡終始不渝道光十四年從祀節孝祠

盧氏縣誌

卷之十 列女

三

趙氏從九品段汝棟妻年三十夫故子克相甫九歲氏以母代父艱苦備嘗道光十七年從祀節孝祠
張氏秦昌西妻年二十三夫亡孝事翁姑取胞姪磐爲嗣磐中年病殂磐子之恒又繼殤氏與子婦孫媳共以清白自勵辛苦備嘗道光二十年邑令爲請旌表從祀

閻氏田定邦妻十八歲夫亡事姑以孝稱孤前哀子
治年僅五齡氏撫養成立享壽八十有八回里給匾
曰巾幗完人道光二十二年從祀節孝祠

田氏從九品劉槐繼室結縵三月而寡元配馬氏子
玉振尙在襁褓氏恩育若已出零丁自保卒至成立

教諭馮給匾曰節勵冰霜道光二十五年入節孝祠

王氏陳州府千總田先甲妻夫卒任所子潤未離襁
褓氏攜孤免扶柩歸葬後子潤病卒孫西成又出生
戰歿茹荼飲藥艱苦終身咸豐四年從祀節孝祠

盧氏縣誌 卷之十 列女

三

孟氏儒童王者香妻結縵未週歲稱未亡人孝事舅
姑喪葬盡禮取姪維翰爲嗣撫育成立教諭周給匾
曰柏舟矢志 合下七人俱同治十一年從祀節孝祠

呼延氏監生李光普妻二十四歲夫故持家有法尤喜
周卹親鄰一鄉咸奉爲內則

馬氏李如霖妻二十一歲夫故事衰親撫幼子歿後
三週子婦李氏亦孀居能爲立碣誌其苦鄉黨賢之

杜氏廩生李宜誥繼室年二十一夫歿孝身姑和妯
娍含辛茹苦以禮自持不失大家閨範

孫氏海萬青妻年二十喪偶孝事翁姑辛勤教子守節四十二年

王氏李連中妻十四于歸五年夫故孝事孀姑撫孤成立守節四十七年

莫氏貢生傅守先妻青年喪偶幸遺腹生男氏勵志撫孤備嘗艱苦性尤樂善好施惠屢及於親族守節四十餘年

尙氏劉瑞麟妻年二十五夫罵賊被戕氏孝事翁姑撫養幼子守節三十一年

合下四人俱光緒七年題請旌表

盧氏縣誌

卷之十 列女

十四

郭氏監生王榮春妻年二十二夫歿奉姑訓子壹範聿昭後曾元五世同堂享壽八十有五

宋氏范文法妻二十四歲夫亡節儉勤慈善持家務守節四十三年

王氏范茂林妻夫卒時氏年十八事上撫下克盡孝慈清白自持至老未嘗少懈

馬氏莫璧光妻二十三歲夫卒含辛茹苦矢志不移姪宏基曰愧無財不能隆奉養奈何答曰不要有財只要有節年六十七而終

合下五人俱光緒十一年請入節孝祠

王 氏郭清玉妻二十一歲孀居祖父母翁姑俱在堂
爲取姪檢身爲嗣仰事俯育井血親操壽八十有一
李 氏莫欣成妻十八結縭踰年夫故姑已就衰勸舅
更置側室後十餘年舅生子又二十餘年子生孫氏
取承夫祀莫氏香火克續氏之力居多云

程 氏李傑妻二十五歲夫故貞以待已惠以待人上
事病姑下撫弱子備嘗艱苦守節五十三年

張 氏李儀妻程氏弟婦也夫故時氏年十九子女俱
無上事舅姑下待親族惟嫂命是聽姪永弼蒙延師

盧氏縣誌

卷之十列女

三

教讀名列膠庠一門雙祧並爲立石誌二氏孝慈勤
謹之意

段 氏薛汝猷妻年十九而寡子清源生甫三月氏教
養兼至後入成均高壽九旬兼五世同堂之慶

趙 氏李漢雲妻年二十夫故無子孝事翁姑取姪庭
芝爲嗣教養成立守節六十五年

王 氏處士李連昇妻二十八歲孀居子女俱幼氏績
紡耕耘未嘗以遭際艱難稍移初志

王 氏附貢生常潤妾年二十八夫歿翁以哭子喪明

氏奉事惟謹又延師課子諸孤藉以成名

李氏常夢周妻事舅姑克盡孝敬撫孤子勉就端方
卒年七十有三

楊氏巡檢白徽章祖母二十八歲夫亡奉姑至孝教
養三子俱能成立壽八十有奇

趙氏王復清妻生子三月而夫亡氏年二十有八內
操井臼外務耕耘不以貧窮改其節

陳氏張書紳妻嘉慶二年夫歿於賊氏年二十有四
家人欲奪其志氏以死自誓卒全從一而終之義

盧氏縣誌

卷之十 列女

三

李氏徐餘盛妻嘉慶二年避難遇賊餘盛死而氏亦
帶傷誓不辱身任青鋒之有赫辛能遂志等白壁以
無瑕既而大難初平小康漸致族中蕩子思效鯨吞
閭左奸人妄求尾諾氏乃晝垂簾以蔽戶夜縛棘於
當門卒令宵小計窮梗頑意沮留乾坤之正氣為巾
幘之完人後則子號克家孫能繩武為略傳其苦節
俾永著為淑型而餘盛死時氏年實二十有一也

藍氏楊春旭妻二十八歲夫故取奸峻德為嗣守節
四十八年里人給匾曰勵志堅貞

陳氏孫廷選妻結縭三年夫已病殂氏耕耘不輟日
井不辭孝翁姑撫繼嗣清苦自持數十年未嘗有異
李氏薛玉隆妻夫歿時氏年二十五奉姑至孝訓子
有方官壽七旬而卒

范氏生員常棣華妻年二十六夫故績紡度日兩遭
歲祲一厯賊氛節操未嘗少移猶子存樞爲承繼

張氏劉彥通妻青年守志邑令申給匾曰巾幗丈夫
教諭薄給匾曰鍾郝家風後子寶麟以恩貢任新安
學博贈太孺人

盧氏縣誌

卷之十

列女

三

李氏牛萬章妻二十四歲孀居取姪邁選爲嗣節孝
雙全年七十九而終

王氏王雲章妻年二十五而寡孝事翁姑績紡不輟
苦節四十三年

戴氏郭芳輝妻年二十夫亡績紡辛勤事親不倦子
克昌入邑庠亦能丸教讀之力也壽六十四歲

常氏莫鴻亮妻年十七歸莫夫未娶時已大病至家
不十旬而寡清潔自持毫無異志舅病割股作羹以
進曰羊肉也舅食之遂漸瘳

孫氏監生郭鳴謙妻十七歲稱夫亡人取姪從龍承
祀孝事高堂誓志守節七十三歲以疾終

秦氏署理朱陽關于總王丙午祖母年少夫亡孝親
教子井井有條從祀節孝祠

戴氏李全忠妻十九于歸月餘夫偶嗣子庠生步雲
又以病歿媳董氏年甫十八兩世孀居清貧自守保
全節義數十年無間言

蔡氏童生常剛妻年十九稱夫亡人守節撫孤事二
老無惰容學博匾其閭日心迹雙清

盧氏縣誌

卷之十 列女

三

閻氏宋世殿妻二十九歲夫故柏舟矢志辛苦終身
壽至八旬而卒

李氏陳維新妻二十三歲孀居取姪承嗣堅貞持已
勤儉成家享壽七十有九

任氏陳日新妻年二十夫故以姪承祀孝事翁姑恪
遵閭範壽八十一而終

楊氏屈萬有妻夫歿時氏年甫二十與妾余氏同心
守節協力撫孤壽俱七十餘歲

雷氏常庚妻二十歲夫亡守節撫孤善承舅姑之意

入節孝祠

劉氏張鴻妻三十歲夫亡孝事翁姑堅貞自最壽六十六歲

王氏歲貢生駱錫麟之母年少孀居柏舟矢志取姪為嗣撫若親生又能敬禮同宗周郵貧乏之賢名稱閭里焉

李氏庠生陳椿年之母生子四歲而寡教養入庠以博學工書馳名苦節四十一年

韓氏常永春妻二十一歲夫歿親老家貧子幼氏孝

盧氏縣誌

卷之十 列女

五

慈兼盡艱苦不辭卒成白首完貞之志

安氏聶友禎妻年二十五而孀孝翁姑和妯娌取姪青桂承夫祀教養兼至入邑庠焉壽六十二歲

廉氏望經文妻年二十四夫亡無子冰霜勵志勤儉持家取姪功蓼為嗣八十七歲無疾而終

楊氏王希紳妻年十九而寡姑目失明奉養三十六年無少懈弟希綬以冲齡失怙氏激勵讀書代持家政弟後以舉人大挑署陝西中部神木等縣家每自歎曰是皆嫂之力也及夫婦俱卒任所氏又輿櫬歸

悲勤苦終身此其深明大義殆尤有超越尋常者與
李氏耿明儒妻二十九歲夫亡矢志柏舟克勤克儉
壽七十七而終

趙氏宋德宏妻二十六歲夫故翁姑爲取姪承嗣不
幸早逝又取姪孫承祧志不以艱苦而移節更以堅
貞而顯卒年八十有一

單氏常自勵妻少孀無子撫前男成立家計屢空氏
卒無怨言

范氏宋先承妻夫歿時氏年二十三歲事翁姑盡孝
盧氏縣誌

卷之十 列女

三

處婦姒以和守節四十四年

崔氏劉文題妻年二十八喪偶毀容自誓取姪爲嗣
受養倍於已出教訓成立人以母賢子孝稱之

趙氏郭維城妻二十三歲夫亡撫孤全節矢志不渝
壽七十一歲

周氏儒童郭相妻夫故時氏年二十孝事翁姑晝夜
績紡以供甘旨並爲子膏火之費

車氏黑雲興妻年二十八夫卒撫育諸孤艱貞自勵
守節四十餘年

劉氏儒童黃元亨妻觀察公文亭弟婦也青年失偶
冰葉自持嗣子宗河及孫廷臣又相繼少亡媳常氏
孫媳莫氏俱能恪遵壺範共勵堅貞觀察公欲爲請
旌表以督師皖省未遑也

范氏儒童胡正本妻少孀無子取姪承祧孝翁姑和
妯娌未嘗有疾言遽色夫歿時氏年甫一十有八云
趙氏張萬林妻年少夫亡守節堅貞壽七十八歲
任氏李書思妻年二十四孀居撫幼子而教育之里
黨翕然稱賢

盧氏縣誌

卷之十 列女

三

車氏雷廣勝之母年十八夫死子幼家貧乏食矢志
靡他苦節七十餘年

宋氏郭臨洲妻二十五歲孀居取姪承嗣仰事俯育
績紡宣勞學憲歐陽給匾曰節孝勤慈

常氏儒童楊薰妻年十九夫亡子幼氏孝親撫孤守
節四十八年歐陽宗師給匾曰志矢栢舟

胡氏生員白濤之母結縭三月夫亡取濤承繼母賢
子孝德聚一門氏壽九十有九歐陽宗師給匾額曰
苦節遐齡

雷氏杜文田妻少孀無子姑以避賊違疾氏湯藥親嘗扶持抑搔不離左右苦節三十餘年

李氏王履祥妻子歸二載夫卒遺腹生子教養恩勤嘉慶年間歲遭大禮氏明以糠粃給乞兒而暗以嘉穀藏籃底及翁姑知覺數十石已罄盡無餘矣氏歿時貧民多哭守柩前數日不去旌表入節孝祠

郭氏從九品雷思聰妻年二十五夫歿翁亦繼卒事繼姑撫孤子孝慈兼盡辛苦二十一年而終

段氏賈廷柯妻年二十餘夫故撫孤守志之死靡他
盧氏縣誌

卷之十 列女

三

饒有貧且益堅之概

賈氏廷柯女也適王姓數月而孀矢志堅貞恪遵母訓取姪守中爲嗣辛苦四十餘年

張氏李儒珍妻孀居時翁姑就衰子女俱幼親績紡以共甘旨躬薪水以資教誨數十年無怠心也

李氏太學生李俊傑妻年少夫亡孝事翁姑保全弱息晚年多病子鳳翰亦太學生娶婦陳氏嘗爲姑判股肉和藥疾遂漸痊歿後請入節孝祠

張氏文童薛鴻儒妻十九歲夫故勸翁納妾生子以

嗣宗緒邑庠張鵬翰嘗詠其事中有四語云雪積熊
山冷波平洛水清事翁婦代子撫弟嫂如兄蓋實錄
也

鄒氏武生薛榮耀妻二十五歲稱未亡人弟永昌妻
杜氏亦十九孀居各取姪承祀以孝親慈幼相勸勉
余氏徐光玉妻教子士元入庠年少守節以終
郭氏太學生靳久安妻孀居無子取姪惠卿承祀時
家計維艱氏以勤勞自任日增月盛遂號素封子列
成均孫游泮壁一堂六十餘口彬彬然稱望族焉

盧氏縣誌

卷之十 列女

三

周氏盧慶祥之母年二十一夫卒柏舟矢志節孝雙
全親族爲立石以誌之

何氏馬天壽妻年二十三孀居事舅姑以孝育孤幼
以慈持家尤勤儉異常子良驥孫冠羣俱入太學爲
請旌表入祠

李氏李文獻妻夫卒時子居渭尚幼氏教養並至終
入賢序娶王氏生世秀而居渭亦逝婦與姑松筠並
勵邑令李請旌表入祠世秀妻靳氏又少孀無子誓
將以尺組殉夫因衰姑無人奉養乃止靳氏歿同族

爲刊石稱一門三節孝焉

李氏戴天春妻年十八稱未亡人子女俱無氏痛不欲生因遘疾而歿

劉氏儒童雷偉妻夫歿時氏年二十有二取姪昭受爲嗣勤儉成家苦節三十餘年

張氏馬進誠妻三十歲喪偶飲水茹蘖未有異心

常氏任煦妻年二十八夫以疾終上孝翁姑下慈孤幼享壽七十有六

常氏馮志學妻夫以武生從戎戰歿武昌氏年二十

盧氏縣誌

卷之十 列女

三

有三孝翁姑和姊姪教子魁泰習弓馬日母墮乃父家風也後亦入邑庠

李氏范兆元妻二十五歲夫亡古井澄清波瀾不起苦守四十四年

段氏太學生田金祿妻二十八歲夫故取姪丙炎爲嗣教養成名卒年七十有一親族贈匾曰柔嘉維則

崔氏田金城妻二十四歲夫亡和睦妯娌撫養孤兒亦以壽終

李氏王金鳳妻少孀無子貞潔自持足跡不出戶庭

數十年如一日

駱氏趙邦振妻年二十夫死子女俱無守節以終

常氏王景泰妻二十一歲喪偶貞潔自持鄉黨以白璧無瑕稱之

李氏生員趙良璧妻二十一歲夫故幽間和婉守節四十七年

楊氏常奇妻十六結縭半年夫故取姪繼善爲嗣矢志守貞終始無二

郭氏靳作哲妻二十七歲夫亡撫嬰守節孝事翁姑年五十八卒

盧氏縣誌

卷之十 列女

五

朱氏李長秀妻二十五歲孀居守節以終

張氏駱錦生妻夫故時子錫疇甫週歲氏撫孤成立艱苦不辭卒以完節著名後嗣稱爲望族

王氏段郁章妻合卺之夕郁章已遭重疾不能成禮數月作古氏時年十九貞靜自持取姪孟祥孟卜承嗣俱克教養成名又撫堂姪女如已出示以閨訓後適猫坪王鎬亦青年失偶矢志靡他教子入庠親族以代成有終爲刊石于閭左

張氏蒲峪河張永魁妻十八孀居子女俱無家貧親老氏零仳孤苦矢志靡他守節三十餘年

李氏郭九齡妻十八結縈十九喪偶苦節三十七年
王氏莫明高妻舅年七十有三病人不愈氏以婦代子湯藥親嘗未有厭心不愧節孝雙全之義

王氏常季春妻十九歲夫故子女俱無孝事舅姑艱貞自守苦節四十四年

任氏王新洲妻生子兆麒甫二歲稱未亡人克儉克勤艱貞自矢同族宿儒青雲爲誦李節婦詩云之死

盧氏縣誌

卷之十 列女

三

靡他近罕有應共柏舟傳不朽

李氏趙大任繼室年十九夫以疾終撫前子與所生無異數十年含辛茹苦鄰里無間言

常氏李漢陽之妻夫故時氏年二十有五撫孤守節終始不渝

王氏薛占元妻天性幽閒清貧自守有猾鄰素慕氏美窺占元夜出潛身入室計將魚目混珍以取奸巧幸被知覺峻拒痛罵而免占元歸氏泣囑以報仇遂投繯自盡猾鄰不容於公義里中責令破產爲殯葬

之資

李氏楊鴻禧妻夫卒痛不欲生或以奉養舅姑爲言氏曰有兄嫂及諸弟在無傷也夫既歿仰藥死時當盛夏屍在室三日面如生蠅蟲無或近者親族具稟邑令韓勛匾額曰志凜冰霜

余氏杜克恭妻同治元年值賊犯境成婚二十一日夫故事翁姑以孝聞現年五十三歲

陳氏荆廣福之母年十七夫抱病親迎逾夕而歿取姪承祧年近五旬見人猶含羞如處子演戲及一切

盧氏縣誌

卷之十 列女

七

雜劇終身未嘗往觀現年八十有奇

段氏樊及銳妻二十七歲夫卒斷髮自誓不肯他適敬老慈幼現亦年逾八旬

王氏拜連榮之母年二十一而寡于幼家貧氏晝則耕耘夜則織紡事翁姑克盡孝養及孫曾俱已成立猶勤力操作艱苦不辭現年七十八歲

蘇氏監生董萬祥妾年二十二夫亡遺腹生子芳華上事孀姑下全弱息孝慈兼盡現年七十有四

權氏生員莫藏珍妻二十五歲而寡舅姑在堂恪盡

婦道夫卒後三月遺腹生一男伶丁孤苦備歷艱辛
現年近七旬子孫慶滿堂焉

石氏靳克恭妻年三十孀居家貧無子舅姑相繼歿
孤苦無依採薪汲水度日卒成完節現在六十五歲

賈氏張明德妻十八喪偶家苦貧氏奉養雙親毫無
厭倦現年六十五歲

趙氏劉耀東妻外溫柔而內貞烈結縵三載夫已作
記玉樓氏上事嚴親下撫弱弟孝慈勤儉艱苦四十
餘年現取姪全仁承夫祀

盧氏縣誌

卷之十

列女

三

王氏從九品莫如滋妻年十九夫故遺腹生子文吉
翁姑繼逝賊匪疊經氏撫字孤兒保全名節倍嘗辛
苦守節三十餘年

劉氏女少字周姓未歸而夫夭殂姪逢泰欲別擇佳壻
女拒之曰焉有受人之聘復懷二心而可以爲人者
乎且予弟穉幼非依人不能成立我誓將以母家終
矣未幾遘疾卒

郭氏孫梓之妻夫歿守志以終親族爲刊石誌其苦
張氏潘河鎮呂殿颺妻壬戌四月粵匪由雒南入虜

氏懼受賊污自縊死以下同治元年四月事

劉氏蒲峪河王繼先妻年二十一夫卒慷慨守節寡
久病不愈氏焚香告天割股煮粥以進王戊寇至投
崖死氏尤鐵中之錚錚者與

李氏王萬祿妻遇賊不屈投崖死與王劉氏時地同
李氏黑馬渠劉維藩妻賊王懼受辱因自經

姚氏太學生王景修妻避難遇賊曰我詩書門第幸
勿以非禮相犯賊曰苟能死即不汝犯也氏乃率家
人入破屋曰此一塊乾淨土不可失促令長子歲貢

盧氏縣誌

卷之十 列女

三

煒基妻杜氏次子宏基妻趙氏及孫女四人俱投繯
自盡氏亦從容雉經死同治二年蒙旌表入祠

王氏喬生華妻王景修女也遇賊不屈與母姚氏同
時死

甯氏女幼聞祖父歲貢步奎公教訓年十三字駱氏閤
家避難崖洞中知不能守女泣謂母曰賊若來必受
辱請速賜死勿徒以姑息愛人也其母登時縊殺之

劉氏例貢張長齡之妾同家人避難崖洞中賊至懼
受污投崖死

張氏監生李秀書妻壬戌八月皖匪自靈寶來猝至寺峪氏合家冲散投繯死以下同治元年八月事

吳趙氏亦寺峪人遇賊不屈賊怒刺其腹腸突出氏收腸縫之匿薪柴中三日死

黃氏獲關史宜樸妻觀察公文亭次女也少孀無子避亂入山中仰藥死

王氏女城內人隨父漢西避亂文峪石洞中賊仰見女攻益急女知其爲已示威也恐累蒲家自縊死賊果相率散去

盧氏縣誌

卷之十 列女

罕

張氏楊家灣張金祿妻恐被賊汙毀其容投崖死

王氏增生耿榮妻遇賊不屈死邑令秦旌表入祠

李氏六品銜莫崇鼎妻舉止端莊有大家風範避亂遇賊日命可捐身不可辱也投崖死賊去後二十餘日屍未變其貞魂烈魄爲鬼神呵護有如此

賈氏石錫齡妻結縉甫旬日賊即至詔夫日君請速行我將就死言甫畢而身已在數丈崖下矣

史氏李瑞林妻遇賊不屈因自盡

楊氏增生趙作霖妻賊至病不能行投崖死

張氏三川段振元妻避賊煤窑中賊以火照見強拽之出氏紿之曰釋我手當惟命是聽賊信爲真乘間投水死子婦唐氏琳妻也見姑已歿罵不絕口賊支解之而去

蘭氏常萬魁妻亦入煤窑避賊見段張氏被拽呼夫弟萬疇妻王氏曰事急矣曷早自爲計於是俱投水死子宗寬從焉

杜氏楊九章妻年二十五遇賊赴水死與常蘭氏時地同

盧氏縣誌

卷之十 列女

望

劉氏常成憲妻避難車莊河遇賊被執罵不絕口賊碎氏屍而去邑秦旌表入祠

范氏李作霖妻賊迫之行氏不從遂遇害

王氏李海潮妻擒匪寇樂川欲迫之入營氏捧其子於地罵賊求死頭被斫傷血流滿面因託盥洗乘間得自縊以下同治三年二月事

原氏監生李春圃妻遇賊於竹園溝罵賊不屈被亂鎗刺死投其屍於河

李氏王福榮妻生一女適段永魁避難牛心垛地方

賊至携女投崖俱腦漿迸出而死

張氏監生馮百中妻携媳王氏及二孫匿竹園溝山洞中賊示以將用火熏嚇之使出氏謂媳曰受辱而生不如熏死之爲愈也終不肯出而死

邢氏李福鈞妻陷入賊營將上衣下裳預縫一處賊欲犯之奪刀自刎而死

趙氏王全脩繼室餓死不肯從賊以失足落崖斃命宋氏女父名林東少許字於百總王自成之子髮逆至朱陽女誓不從賊投身澗下賊驚駭不防失足亦落

盧氏縣誌

卷之十 列女

三

崖而死 以下同治三年三月事

楊某妻太學生王斗灼之女避亂毛洞溝中爲賊所擄恐受玷汚行至河橋之上被脅者紛紛從行氏獨曰某縱身難脫禍當與此水共清賊不及防投水死

王氏適朱陽里賀某夫妹尙未出閨避難山中俱爲賊擄姑嫂同騎馬上臨流河漲彼此相顧會意一齊隕身落水其餘婦女不勝嗟訝而去

王氏生員張其環妻事舅姑浣淪之事必親服勤習苦常先僕婢諸妯娌皆自以爲不及性仁慈尤輕財

重義夫應試洛陽叔偉予白金五百兩錢三十千使私之歸而授氏藏衣篋者十餘年及析居悉出以還叔家堂嫂任氏孕輒不育術者謂其不宜有子若使他妣撫之則成既而嫂生子濤氏有女方彌月以女易兒紅帛裹之布草坐三日若真親產者郭異十三齡始歸嫂嫂所養女死矣賢婦不怨也溥者王甥也生數月母死氏撫養五歲歸王王不肯受遂姓張氏毛喜者張甥也生未及一月母死氏亦收乳之三載乃歸其行事長厚如此有郭姓負欠四十金盧姓負

盧氏縣誌

卷之十 列女

三

欠二十金俱憐其貧病不責償又有傭人呂某嘗盜錢數千氏子欲撻之以母不可而止其破慳吝又如此世之爲男子者乃緘滕固錡骨肉不肯拔一毛操券取盈吮至膏血猶不止視氏之仁義兼盡何如耶杜氏從九品李方昇妻柔順和婉能得堂上歡姑歿留二女長十歲次七歲庶母又相繼謝世留子連昇方三歲氏皆撫養如已出婚嫁無不盡禮

楊氏段大經妻原籍山西絳州人夫歸省墓雁渺魚沉氏時年二十孝事翁姑生養死葬俱如禮晚年取

姪師式爲嗣拳拳訓誨和丸晝菽之風不是過也子及孫曾入庠食餼者不絕邑令累表其門盧公曰德比陶歐高公曰鍾型郝範壽八十七而終

趙氏監生劉率章妻姑患時疫醫藥罔效氏割臂肉爲羹姑悅其味食稍進疾遂漸瘳

杜氏監生劉際泰妻姑有疾氏割肱肉和藥以進後數日夫見其刀痕始問而知之

劉氏任韻亭妻同治元年避賊崖洞中韻亭股中礮傷知洞不能守夜縋下氏代夫負姑行崎嶇山路幾

盧氏縣誌 卷之十 列女 四
遭顛躓不肯舍姑獨去卒免於難

宋氏丁士彥妻年二十夫故水清玉潔壽八十有七
國朝人瑞

馮魁妻何氏生於崇禎六年卒於乾隆元年壽一百零三歲

雷世華妻吳氏生於崇禎二年卒於雍正六年壽一百零二歲

李門任氏在城人自萬曆初年至康熙二十一年卒壽一百零六歲

賈 寡婦北蘓村人由明至清壽百歲

郭 氏張孝光妻生於順治六年享年九十九歲曾元

林立康健猶同少壯

李 氏從九品常自新妻壽九十二歲

王 氏永城守備李京陽妻壽九十三歲

王 氏武生張耀庚妻壽九十四歲

祁 氏千總職王耀宗之母壽九十五歲

李 氏張整妻壽一百一十二歲子月樓妻王氏壽九

十七歲

盧氏縣誌

卷之十 列女

四

趙夢祥之母現年一百零四歲織紡猶勤毫無衰憊之

氣

